

17511

英國維新史

作新社藏版

英國維新史


作新社藏版

光緒二十九年陰曆一月二十五日印刷
光緒二十九年陰曆一月二十九日發行

定價大洋六角

著者兼發行者
上海英租界四馬路老巡捕房東首第五十五號
新 社

印刷所
上海英租界四馬路惠福里第五十三號
作 新 社 印 刷 局



上海英租界四馬路老巡捕房東首第五十五號

總販賣所
作 新 社

英國維新史目錄

小引

第一編 英國革命之原因 其一

第一章 貪大時代之政況及清教徒之由來

第二章 查爾斯一世之性行 巴金恒首相之稅政第一 第二議會之

解散 附畢姆 賽爾敦 哈白德 哥登 哥客 烈德登

狄韋斯花耳士等列傳

第三章 第三議會 權利請願 志士憂國

第四章 刺客斃巴金恒公 附巴金恒公傳

第二編 英國革命之原因 其二

第一章 查爾斯益親國會之讎敵及奸臣史討福德之性行并其政略

附查爾斯一世 亨烈太皇后 史討福德 洛德等四人小傳

第二章 衆議院議宗教之問題 第三議會之解散 查爾斯虐待志士

約翰愛寥德之入獄並其瘦死 附約翰愛寥德小傳

第三章 十七世紀英國君主獨裁政治之發現 查爾斯之恣課船稅

哈姆登之決心 附約翰哈姆登小傳

第四章 蘇格蘭騷起 短期議會 史討福德之達憲政策

第三編 英國革命之原因 其三 長期議會時代

第一章 衆議院彈劾史討福德 史討福德之處刑 附顯理偉恩小傳

第二章 溫和黨 大抗議 附客拉蘭敦伯 福克蘭子 亞及耳侯

孟德洛侯小傳

第三章 俄里否克倫維耳之傳

第四章 查爾斯襲議會 民心叛查列斯 查爾斯去倫敦

第四編 英國革命之戰

第一章 英國革命戰之第一年一千六百四十二年明崇禎十五年壬子事也 兵權問題 王黨議

員辭退議院 查爾斯頓兵於諾丁根 哀的小山之戰 附愛

散克斯 洛白德公小傳

第二章 英國革命戰之第二年一千六百四十三年明崇禎十六年癸未也 克倫維耳爲國會軍

之領袖 鐵騎兵之編制 愛散克斯伯之緩慢 洛白德公之

勝利 約翰哈姆登之逝 附番福克司華拉之小傳 鈕倍利

之役 民黨與蘇人盟 畢姆逝

第三章 英國革命戰之第三年一千六百四十四年順治元年甲申 查爾斯自奧古士福德遁

意外之意外 瑪賽敦荒原之役 愛散克斯進於孔偉耳

第二鈕倍利之役

第四章 英國革命戰之第四年一千六百四十五年順治二年乙酉也 抑損令 洛德之處刑

新式之軍制 韋司皮之役 查爾斯之被捕 亞里登小傳

第五章 結尾

英國維新史目錄終

英國維新史

作新社編纂

小引

凡人彷徨於五里霧中。其聞聞見見。初無所爲是非也。無所爲真假也。使必欲是非之真假之。吾不知其可也。地球者。吾人日常所見四肢之所觸。因之而安居而逸樂而運動而衣食而從事於業務以維持其生命者也。天下有物體與我相切若此者哉。然今試執途人而問之曰。地球之本體若何。其形狀若何。其位置若何。則漠然未有答者也。如理學士之推究。天文家之攷察。斷爲圓體而運行於太陽之周圍者。爲行星之一。又更舉各種之例以證之。然其例證。果可信耶否。是未可知也。夫有形物之感五官者尙然。況於無形之道理哉。且吾人所有之靈魂。尙不能辨知其爲何物也。

抑人之思想感情。非一定不變者也。因時與境而後變者也。甲之時甲之境。有甲之思想感情。乙之時乙之境。有乙之思想感情。從其趣之異。毀譽褒貶亦異。例之君辱則臣死。其說可行之於封建政治之下。而不得強行於共和政治之下。夫不造人而居之於人上。其說可行之於共和政治之下。而不能行之於封建政治之下。亞美利加之土蠻。父母有病則棄之。兒女有病則殺之。以爲孝以爲慈。若在文明社會聞之。則必戰慄。在壓制之社會。以下民議政事爲罪。在自由之社會。以君主不容民言爲非。此類是也。至欲緝古今之史而論其是非曲直。必先詳當時之形勢政治宗教人情風俗等之如何。而後論斷其是非。推原其真假。否則黑白難分矣。雖然。欲如是之攷察周詳。細大不遺。固非人力之所能爲。故史家之困難。亦至此而極矣。

然而事極艱難。必有一條之逃路。世極暗黑。必有一點之燈光。而以此一點燈光。燭照全部。雖不能明。朦朧之間。亦得窺其大體矣。燈光者何。其演活劇之人所有之誠心誠意是也。譬諸一人言。拿破崙不世出之人傑也。然以不出其誠心誠意。不能感

動後世。華盛頓出其誠心誠意。故封建時代之人。亦爲之感動。信乎。

一千六百四十二年。

明思宗崇禎十五年壬子

英國之革命。一未決之大問題也。讚之者曰。此

義舉。謗之者曰。此暴舉。至其名義。甲則曰革命。乙則曰叛逆。而於其革命原動力。格
郎克倫維耳等人物。人人各異所見。有譽以憂國之志士。自由之恩人者。有罵以
奸雄暴徒亂臣賊子者。議論紛如。然余則以爲此革命有大生機也。近則立英國立
憲政治之基礎。遠則爲美國共和政治之先驅。是論史者之所看破也。唯英王處刑
一事。雖不免世之譏彈。而承諾處刑之克倫維耳等。皆置苦樂榮枯於度外而不顧
後世之褒貶。此誠心誠意代天救世者也。有此一端。亦足證革命之爲是乎。

孟子曰。賊仁者謂之賊。賊義者謂之殘。殘賊之人。謂之一夫。聞誅一夫紂矣。未聞弑
君也。又曰。有伊尹之志。然後行伊尹之事。如英國革命黨者。其亦有湯武伊尹之志。
而行湯武伊尹之事者乎。

第一編 英國革命之原因 其一

第一章 貪大時代之政况及清教徒之由來

十六世紀之間。舊歐洲之諸元素相合而成思想之自由及中央集權之二大要素。因思想之自由。遂生宗教之改革。因中央集權。遂生君主獨裁之政治。夫宗教之改革者。促舊來之宗教的獨裁政治之衰亡也。君主獨裁政治者。獨裁權之勝利而使舊來之封建的自由地方的自由衰亡者也。此二元素之冰炭。不待言矣。顧當時世俗界之進度。遲於宗教界之進度一步。故雖此異時代之二元素。同時發現。早晚有衝突之期。已如箭扣弦上。觸機即發。英國革命者。即衝突之先驅也。

於宗教界側面觀察英國之革命。夫英國何以先他國而有此衝突耶。蓋英國同處歐洲大陸。而宗教改革之氣運。逐漸輸灌。為貪大朝之儀式的君主獨裁政治。其改革宗教。不如歐洲各邦成於人民之手。而君主亨利八世自成之。則其芟除宗教之惡弊。保護思想之自由。不無遺憾。然此改革者。實傾於利己王與大僧正之一點也。蓋王與僧侶。剝奪羅馬法王之威福。分之于各自之間。不使人民與之。改革雖成而所以生

此改革之惡弊。依然未去。故人民概無改革之効。而以暴易暴。不知其非。于是再圖改革。是英國革命之所以先於他邦也。

更詳言之。十六世紀之前。羅馬教會爲歐洲社會之指南車。然至十六世紀。却爲歐洲社會之妨礙物也。印刷術之發明。適開人民之心目。羅馬法王之囂頑。僧官之腐敗。歷歷映入人民之網膜。於是人民之謗讟喧動全土。次以改革之叫聲。其風潮遂波及大不列顛島矣。先是英王亨利八世之時。已有新舊二黨。互相爭激。各不相屈。別有中立黨者。曖昧模糊。陽謂收兩黨之所長。其實則首尾矛盾。亨利則與此曖昧黨相結。特設一教會曰「恩革利下」。以與新舊兩黨牴牾。其認改革黨之意見者。稱之曰異教徒。處以火刑。其認法王之威權者。斥之曰叛徒。處以絞刑。以抑羅馬法王之跋扈。以制社會革新之氣機。然王崩而其所立之教會亦因而漸滅。其政府不能自立。非降於羅馬法王。則不得不求援於新教徒。當此之時。英國之改革黨。不滿於亨利之改革。常爲隔靴搔癢之嘆。此所以望貫徹素志。猶歐洲大陸之同黨而不止。

也。厥後政府果求新教徒之援。新教徒亦要政府之援。互相連結。造此一因。遂生監督教會也。

當時兩黨

政府黨及新教黨

之代表。遂相聯絡。共負設立監督教會之任者。爲克蘭馬大僧

正。克蘭馬者。以一人而肩僧侶及宮人之兩資格。以僧侶言。則雖與瑞西國若蘇國共執急進主義以宮人言。則執曩時羅馬法王利用之。今又英王所利用之保守主義者也。故其教會者既非舊主義。亦非新主義。帶一種異樣之性質。前後撞着。使兩黨均懷不滿之意。

麥利女皇即位。

(一千五百五十二年明嘉靖四十二年癸丑)

深信天主教。虐待新教徒。加以迫害。新教徒之

熱心家。多避難於德意志及瑞士國。而得該國同教徒之優待。數年之間。就有名神學家。得見簡便禮拜式。及平民的宗教政治。及女皇即位。(一千五百五十八年明嘉靖三十七年戊午)始歸本國。益不滿於國教。有彼得渾得完等。辨駁其是非。嘵嘵不止。是則清教徒之起點也。女皇愛利薩別司以其曉辨而虐待之。於是清教徒益怨望王室。兩兩相襲。遂以

成隙。

雖然。清教徒初非有私欲於其間也。其反對王權也。不過以監督教會之利害及主義若感情。遂奮起其熱心。試觀愛利薩別司之初年。士農工商中。無一非反對黨也。而衆議院中。又占議員之多數。若此時彼等全注意於內國問題。則王黨與議會。有不潰決者幾希。然當時國家多事。清教徒亦知其非兄弟鬩牆之時。其被逮而呻吟獄中者。猶關心於女皇之安否。施政之成敗。且有呼上帝而願其加福於女皇者也。及女皇崩。惹姆斯一世即位。一千六百三十三年明萬曆三十一年癸卯居心隘狹。不似女皇之寬大崇帝王神權之說。窘愛國之志士。而清教徒最熱心愛國者。好唱自由。于是憎之惡之。蛇蝎之殘虐之。而清教徒等實逼處此。遂主政體革新之說。一唱百和。危機日蹙。當此之時。惹姆斯死而查爾斯即位。示意於議會。而與之敵。事遂決裂。此英國之革命先於他國者。又一理由也。

於世俗側面觀察英國之革命。初英國人民。有鑑於薔薇戰。政綱廢弛。民業萎靡。

知封建割據有尾大不振之弊。乃一以强大王族。壓抑貴族之跋扈。以制互相爭鬪。而恢復平和。保維其秩序爲宗旨。自是諸侯之子孫。相棲息於袞龍之庇蔭。不顧供其壓制之器具。是貪大之朝。王權之所以再擴張也。

亨利八世。收沒天主教會之富。而以其幾分與舊家若新建有爵者。以籠絡人心。王室藩屏。至是益形鞏固。尋女皇愛利薩別司即位。具有統國才。與迷心力。並施兼用。苟有門閥有名望者。悉羅而致之宮廷。而勤王二字。遂牢繫於貴紳之心。女皇又以機敏臨下。汲汲焉以收人望爲事。當時智識之度驟進。而富強之名又著。第此少年國國之初發達者之人民。惑於女皇之華美。感于女皇之英邁。忘其爲獨裁君主。反以盡忠義爲本分。生愛國之心也。

史家亞當氏引愛利薩別司時代之一書曰。一千五百八十八年。明萬曆十六年戊子予

住聖格蘭曼教會之近傍。在倫敦。偶有告者曰。女皇行幸內閣。公等若欲拜謁。亟住猶可及也。於是偕同人馳往。諸門悉開。入不之拒。集者之多。宛如祭日。經

一時許。而地無立錐矣。頃之火光燭天。御駕已出。其行裝之美麗。威儀之整肅。眩曜人目。感動人心。時同列者致祝辭曰。願上帝加護陛下者再。女皇亦宣言曰。願上帝垂惠於卿等萬民。願上帝垂惠於朕親愛之臣民。女皇遂還御。還御之後。拜謁者皆感於陛下之威儀。一路口碑。不啻轟雷。且有誓以一命盡忠勤於陛下者也。

當時英國人民之歸依於女皇者。可以此一事而證之。

英國當一千二百十五年。

宋嘉定八年乙亥

人民迫大諸侯約翰王。約束其大憲章。爾來迄

十六世紀。迫其時々之王。新立約束而確定其大憲章者。前後及三十餘回之多。而每回擴張其範圍。遂組織其衆議院。而加人於主權者之一部。至孛郎推根朝。根底漸深。雖衆議院勢力猶未大盛。不能箝制王權。而其於保護私權之一點。其堅忍活潑。實堪驚異。至貪大之朝。而衆議院之性質一變。保護私產之一事。不復如前時之活潑堅忍。唯唯諾諾。如一任王之犯之者。然於參政之事。則漸擴其權限。如亨利八

世。變更其國教。確定其繼嗣。莫不經衆議院之許可是也。由是觀之。議會於亨耶推根朝。只爲抵抗之方便。私權之擔保而已。至貪大朝則稍有進步。而爲政治之機關也。

既而商業漸臻繁盛。工業社會亦加富裕之度。文學哲學界之隆興。思想界之發達。日有進步。而自由之希望日益加切。政治之思想亦日益加烈矣。

然而英國之臣民。初以盲信女皇而歸依之。至女皇之晚年。心目漸開。不復盲信。往時熱心。頓比灰冷。夫帝王者。雖爲貴重而可尊敬。然不得有絲毫蹂躪人民之權利。侵襲人民之自由也。是所生於智識之開發。宗教改革之爭亂。自然之結果也。愛利薩別司晚年羅憂鬱之病者。實由於此。然以女皇之伶俐寬容。猶無傷人民之感情。得以送其生涯。苟女皇之後人。亦能如女皇之伶俐寬容。或不至釀成禍亂如彼慘烈。而惹迷斯查爾斯。狹隘詐譎。虐待人民。人民益怒。欲其舒積怨。遂演革命之慘劇也。